

六字大陀羅尼呪經

舊失譯師名開元附梁錄

如是我聞一時婆伽婆住王舍城耆闍崛山中與大比丘衆五百人俱爾時長老阿難爲旃陀梨女呪術所收爾時長老阿難白佛言世尊我今強爲他收去婆伽婆我今強爲他收去修伽陀爾時婆伽婆告長老阿難言汝來阿難汝莫驚怖阿難汝當受持六字大陀羅尼呪爲今四衆利益安隱安樂吉祥行故而說呪曰

斯須何地除餘梯吐稽曇徒細安於軻茶徒
切餘般茶徒嫁餘葛羅馳除寄稽由餘
薩帝婆帝耶餘婆帝底闍婆帝頻頭
摩帝

阿難是呪能令宿食不消尋得消化能除吐

下等病能除風病熱病冷病雜病能滅一切諸邪呪術能滅起屍能滅一切形像厭蠱阿難若有人知此神呪姓名者彼則不怖畏王難不怖畏怨敵難不怖畏賊難不怖畏火難不怖畏水難若於城邑聚落及在曠野悉無所畏亦不爲他人伺求其過無過可說若食毒藥毒不能害轉爲利益阿難此六字大陀羅尼呪乃是七三藐三佛陀所說亦是梵王娑婆主釋提桓因四大王所說亦皆隨喜破諸呪術消伏起屍一切形像厭蠱皆悉破壞斷滅長老阿難聞佛所說歡喜奉行

六字大陀羅尼呪經